

- **Osnovne škole u Bosni i Hercegovini**
- **Srednje škole u Bosni i Hercegovini**

Sarajevo, 01. februar/veljača 2020. godine

Predmet: Poziv za učesće i podršku obilježavanju Dana sigurnijeg interneta 09.02.2021. godine

Dan sigurnijeg interneta (Safer Internet Day – SID) je međunarodni dan koji se na inicijativu Europske komisije globalno obilježava već dugi niz godina. Tom prilikom brojni akteri iz oblasti obrazovanja, zaštite djece, medijske politike i telekomunikacionog sektora promovišu sigurno i odgovorno korištenje interneta i digitalnih tehnologija. Dan sigurnijeg interneta 2021. godine u svijetu će se i ovaj put obilježiti pod sloganom **„Zajedno za bolji internet“** (*“Together for a better internet”*) dana **09. februara/veljače**. U Bosni i Hercegovini se ovaj dan obilježava od 2011. godine na inicijativu udruženja „Međunarodni forum solidarnosti – EMMAUS“ (MFS-EMMAUS), u organizaciji Centra za sigurni internet u BiH¹, koji Vas ovim putem poziva da se pridružite obilježavanju ovog značajnog dana, te podržite aktivnosti u oblasti sprječavanja zloupotrebe djece i mladih u digitalnom okruženju. Inicijativu također podržava Ministarstvo sigurnosti BiH, Regulatorna agencija za komunikacije BiH, kao i BiH Konzorcij za zaštitu djece koji uz MFS-EMMAUS čine organizacije UNICEF i Save the Children.

Vođen uspjehom prethodnih godina, Centar za sigurni internet u BiH obilježavanje Dana sigurnijeg interneta realizira kroz takmičenje za učenike osnovnih i srednjih škola na temu sigurnosti na internetu. Takmičenje će se sastojati od online kviza sa pitanjima vezanim za sigurno korištenje interneta i digitalnih tehnologija, koji će biti dostupan putem web platforme www.sigurnodijete.ba. Kviz će biti aktivan samo na dan obilježavanja SID-a 2021- **09. februara/veljače, od 09:00 do 19:00 sati**, nakon čega će sistem aplikacije za online takmičenje generisati pobjednike kviza među djecom koja su tačno odgovorila na 80% i više pitanja, te potom objaviti pobjednike i osvojene nagrade. Svi pristupi kvizu će biti kodirani, te će u cilju zaštite ličnih podataka djece pobjednici biti objavljeni pod jedinstvenim kodom, uz navođenje škole pobjednika na online platformi Centra za sigurni internet u Bosni i Hercegovini, kao i na Facebook i Instagram profilu „Sigurno dijete“. Djeca se mogu pripremiti za kviz tako što mogu pronaći odgovore na pitanja na online platformi Centra za sigurni internet u Bosni i Hercegovini- www.sigurnodijete.ba.

I ove godine obilježavanje SID-a podržavaju partneri i sponzori Centra za sigurni internet koji su prepoznali značaj zaštite djece i mladih na internetu. **Ovogodišnji sponzori Dana sigurnijeg interneta su: m:tel, Logosoft i BH Telecom. Sponzori su za sretne dobitnike obezbjedili nagrade kao što su mobiteli, tablet i druge vrijedne nagrade.**

¹ Centar za sigurni internet u Bosni i Hercegovini je uspostavljen u okviru inicijative „Zaustaviti nasilje nad djecom: Prevencija i rad na sprječavanju seksualnog iskorištavanja i zlostavljanja djece u digitalnom okruženju u Bosni i Hercegovini“ koju realizira BiH konzorcijum za zaštitu djece, a čine ga MFS-EMMAUS, UNICEF BiH i Save the Children, uz podršku Fonda za globalno partnerstvo „Zaustaviti nasilje nad djecom“ (End Violence Against Children). Svrha inicijative je prevencija nasilja nad djecom u digitalnom okruženju kroz podršku vlastima, institucijama i profesionalcima u Bosni i Hercegovini da unaprijede postojeće i razviju nove mehanizme rada i zaštite.

Kako bi se osiguralo što šire uključivanje djece u takmičenje kreiran je poster koji promovise obilježavanje SID-a 2021. Poster koji dostavljamo u prilogu, bit će biti dostupan na web portalima svih partnera uključenih u aktivnosti, te dostavljeni javnim emiterima i drugim medijima, uz poziv za uključivanje u takmičenje.

Ovim putem Vas pozivamo da o obilježavanju Dana sigurnijeg Interneta 2021. obavijestite nastavno osoblje, a posebno učenike Vaše škole putem školskog oglasa i objavljivanja postera koji dostavljamo u elektronskoj formi, kao i da ih pozovete da se pripreme za kviz tako što će se educirati na web platformi Centra za sigurni internet- www.sigurnodijete.ba, te na ovaj način podržite aktivnosti u oblasti sprječavanja zloupotrebe djece i mladih putem digitalnih tehnologija.

Ukoliko ste zainteresovani da pored poziva djeci na učešće u takmičenju, date i dodatni doprinos i želite da se na drugi način uključite u obilježavanje SID-a 2021. godine, npr. održavanjem preventivnih predavanja, postavljanjem info štanda u školi ili sličnim aktivnostima, molimo Vas da nas o tome informišete putem e-maila na sarajevo@mfs-emmaus.ba, kako bi Vaše aktivnosti bile uključene u zajedničku prezentaciju realiziranih aktivnosti u Bosni i Hercegovini povodom obilježavanja Dana sigurnijeg interneta.

Unaprijed hvala na Vašoj podršci!

Uputstvo za djecu:

Zajedno za bolji internet!

Djeco, pridružite nam se i osvojite vrijedne nagrade!

Šta trebam uraditi?

- 1) Posjetiti web stranicu Centra za sigurni internet u Bosni i Hercegovini www.sigurnodijete.ba i upoznati se sa sigurnim korištenjem interneta;
- 2) Dana 09. februar/veljača 2021. godine od 09:00 - 19:00 sati posjetiti web stranicu www.sigurnodijete.ba i registrirati se za kviz;
- 3) Zabilježiti svoj jedinstveni kod pristupa kvizu;
- 4) Riješiti kviz pitanja o sigurnom korištenju interneta;
- 5) Osvojiti jednu od vrijednih nagrada!

Za više dodatnih informacija kontaktirajte:

Međunarodni forum solidarnosti – EMMAUS

Tel: 033 263 385;

Fax: 033 263 386;

e-mail: sarajevo@mfs-emmaus.ba